

جریدہ علمیہ

مشیت جلیلہ اسلامیہ مکہ جریدہ رسمہ سید

جمادی الاولیٰ ۱۳۳۵

عدو: ۳۹

آئدہ بر نشر اولئور

اوپنخی سنہ

فتاویٰ شریفہ

صلات

زید علاج ایچون بعض ادویہ وادہانہ خردن حاصل اولان برفقنجان عرق قارشیدروب
بدنہ سورسہ انکلہ نماز قلمق جائز اولورمی الجواب : اولماز

★ ★

امام اولان زید قدر مسنوندن زیادہ اوقویوب نمازی اوزاتقی کراہت تحریمہ ایله
مکروه اولورمی الجواب : اولور

★ ★

خطابت

برجامعدہ خطیب اولوب آخری استخلافہ مأذون اولان زید آخر دیارہ کیدر اولدقدہ
یرینہ عمروی استخلاف و آخری استخلافہ دخی عمروہ اذن ویروب کتدکدن صکرہ
عمرو یگری استخلاف ایلسہ بکر خطابت وامامت ایلك جائز اولورمی الجواب : اولور

★ ★

نکاح

هند صغيره نك ولى اقربى لايونى عمى زيد حاضر ايكن صغيره يى افاسى زينب
زيدك اذندىز عمروه تزويج ايلسه هند بالغه اولدين زيد واقف اولدقه قبول ايتيوب
رد ايديجك عقد منبور باطل اولورمى الجواب : اولور

*
* *

زيد قزى هند كيره يى هندك توكيله شهود محضرلرندى شو قدر غروش مهر
تسميه سيله عمروه تزويج ايدر اولدقه عمروه زيده شو قدر سنه خدمت ايتك شرطيله
تزويج ايله عقد منبور صحيح اولورمى الجواب : اولور

بو صورتده عمروه هندى زيددن آلوب كندى مترنه كتورمك استدكه زيد محرد
اولقدر خدمت ايتدكجه ويرم ديمكه قادر اولورمى الجواب : اولور

*
* *

تهليق

زيد داينى عمروه ساكه اولان شو قدر آتجه دينى فلان كون ادا ايتزم زوجهم
هند بوش اولسون ديدكدنصكره اولكون مرور ايدوب زيد مبلغ منبوري عمروه
ادا ايتماسه هند مدخول بها اولغله طلاق رجعى ايله بوش اولوب بعده زيد هنده
عدتى ايتچنده مراجعت ايدوب تجديد نكاح ايتدين هند ايله ازواج معامله سنده قادر
اولورمى الجواب : اولور

*
* *

مجرد اولان زيد فلان فعلى اشلرسم الوب الاجم بوش اولسون ديدكدنصكره اول
فعلى اشلوب بعده هندى تزوج ايتك مراد ايتدكه بر كسنه هندى زيده فضولا نكاح
ايدوب زيد دخى انجق فعليه قبول ايلسه هند بوش اولماغه مخلص شرعى اولورمى
الجواب : اولور

*
* *

حضانه

هند صغيره نك حق حضانه سی بابای زیدك اولیوب لایوین خاله سی زینبك اولورمی.

الجواب : اولور

★ ★

هند صغيره نك لاب قزقزنداشی قزی زینب ایله لایوین خاله سی خدیجهدن غیری

حاضنه سی اولماسه هندك حق حضانه سی زینبك اولورمی الجواب : اولور

★ ★

نفقه

هند فقیره نك نفقه سی لایوین خالی اوغلی زید اوزرینه لازمه اولورمی الجواب : اولماز

★ ★

نفقه عدت

زید فوت اولوب زوجہ سی هندی ترك ایتدكده هند نفقه عدت نامنه تركدن نسنه
آلغه قادره اولورمی الجواب : اولماز

★ ★

عدت

زیدك زوجة مدخول بهاسی هند زیدك منزلده ساكنه ایكن زید هندی تطلیق ایلسه
هند عدتی منقضیه اولنجه یه قدر منزل مزبورده ساكنه اولیسوب بغیروجه آخر منزله
چیقمغه قادره اولورمی الجواب : اولماز

★ ★

تولیت

بروقفك تولیتی واقفك اصلح اولادینه مشروطه اولمغله حالا اولاد واقفدن موجود
اولان هند و زید صلاحده مساوی اولوب لکن هند زیددن سنا اکبر وامور وقفه
اعلم اولسه تولیت مزبوره یه هند اولی اولورمی الجواب : اولور

★ ★

اجرت

ماقول شیخ الاسلام دام بابه مرجعاً للامام

فی مدرس فرغ نفسه للتدريس بان حضر المدرسة المعينة لتدريسه لكن تعذرله التدريس لعدم وجود الطلبة فيها فهل يستحق المعلوم ام لا الجواب : نعم يستحق المعلوم

★
★ ★

وكالت

زيد عمروی قولم بکری آزاد ايله دیو توکیل ایدوب عمرو بکری آزاد ایتمدین زید فوت اولسه عمرو بکری اعتاقه قادر اولورمی الجواب : اولماز

★
★ ★

هـ

زيد يرلری ارض میری وبنالری ملک اولان دکرمن وچفتلک منزلی یرلرینی اوغلی عمرو کیره اذن صاحب ارضله فراغ ایتمدین بنالرینی عمروه هبه وتسليم ایلسه هبه مزبوره صحیحه اولورمی الجواب : اولور

★
★ ★

زيدك صغير اوغلی عمرو بکریک عیالنده دکل ایکن بکر شوقدر اشیاسنی زیدک حضورنده عمروه هبه واشهاد ایدوب لکن زیده تسلیم ایتماسه هبه مزبوره تامه اولورمی الجواب : اولماز

★
★ ★

زيد ملك عقارینی عمرو صغیره هبه ایدر اولدقدمه کندوسنی صغیرک وصیسی بکر کندى ماليله اولنجه يهدك بسلامك شرميله هبه وتسليم ایدوب بکر دنخی اتهاپ ایدوب اولوجهله تعویضی قبول ایلسه جائز اولورمی الجواب : اولور

★
★ ★

دعوی

زیدک وقفی اراضیسندن اولق اوزره رعایانک طابو ایله متصرف اولدقلری اراضی
ایچون عمروک وقفی متولسی بکر عمروک وقفی اراضیسندنر دیو دعوی واقامت بینه
ایتمک استدکده زیدک وقفی متولسی بشرک حضوری لازم اولورمی الجواب : اولور

*
* *

زیدک عمرو ایله برخصومه متعلقه دعواسی شرعله فصل وحکم اولنوب لکن حجت
اولماسه مجرد حجت اولنماغله تکرار استماعی جائز اولورمی الجواب : اولماز

*
* *

اشربه

نیزد تمر یا زیدب یا عدل یا تین یا شعیر یا بونلرک امثالندن اتخاذا اولنوب مسکراولان
شربتلرک سکر ویرمایجک مقداری تلهی قصدنسر اولسه بیله ایچلمک حلال اولیوب
قلیل وکثیری حرام اولورمی الجواب : اولور

*
* *

حیطان وجیران

زیدک محدث بناسی جاری عمروک اوطه سنک بعض مرتبه ضیاسنه مانع اولوب لکن
تلاوت قرآنه مانع اوله جق مرتبه اولیوب ضرر فاحش عد اولماز ایکن عمرو زیده
اول بناسی قلع ووقع ایتدرمکه قادر اولورمی الجواب : اولماز

*
* *

وصایت

زید صغیرک وصی مختاری عمرو خدمت وصایت مقابله سنده حاکمه اجرت تقدیر
ایتدیروب آلفه قادر اولورمی الجواب : اولماز

*
* *

حرق

هند قزلری زینب وخدیجه ایله بر اوطه ده سا کنه لر ایکن اوطه محترق اولغله هند

وزینب و خدیجه دخی محترقه فوت اولوب ققیسی مقدم فوت اولدینی معلوم اولماسه
منزبوره لردن هریری آخره وارنه اولیوب هریرینک مالی ورثه اچاسنه ویرملک لازم
اولورمی الجواب : اولور

کرامت
عربی

قواخانه عالی قرارلری

* خصم متواری علیه بالتولیه دعوانک صورت حلی حقنده [*]

مال استفتایه نظراً اقامه اولنان دعواده مباشر بولنان مأمور برحیات اولدینی تقدیرده
بولندینی محله اصولی وجهله کندیسنه یمین ویردیریلیر وفات ایتیش ایسه متولی اقامه یینه
ویا خود مدعی علیه یمیندن بالفعل نکول ایدنجه قدر دعوانک موقوف قاله جنی .

[*] بو بایده کملیک قاضیلکک تحریراتی صورتی :

خصم متواری ویا متعزز حقنده ۱۳ نیسان سنه ۱۳۳۲ تاریخ وسکیز عددلی تمییمنامه
مشخطنهای به ملفوفاً تبلیغ بیوریلان ۲ نیسان سنه ۳۳۲ تاویخی هیئت تألیفیه مضبطه سندده مدعی علیه
متواری و متعزز اولدینی تقدیرده قاضی طرفندن کندیسنه بر خطرله ارسال و برای یمین محکمه یه
کلسنی اخطار و عکسی حالده نا کل عدیله مدعی یی بعد التحلیف اقتضا ایدن حکم شرعی یی اعطا ایدر
فقط مدعی ولایت و وصایت و تولیت کبی برجهته مبنی اقامه دعواده بولندینی تقدیرده اقامه ایتدیکی
شیئک مباشری اولنجه کندینه یمین توجه ایدوب مباشری اولدینی تقدیرده یمین توجه ایتوب
هما که نک رؤی تحت ولایت و وصایتده بولنانک حال بلوغ و کالنه ویا یینه اقامه سنه قدر موقوف
اولور دیو محرر بولنش و کملیک اوقاف مأمور لفتجه مباشری اولدینی و قفک الاچقنه دائر بعض
کسان علیهنده اقامه اولنان دعواده خصم متواری و مدعی اقامه یینه دن عاجز اولدینی تقدیرده بلا یینه
معارضه دن منعیله می حکم ویرملک لازم یوقسه بلا یینه و لا یمین ادعا موجبجه تحت حکمه آلتیق می
لازمدر مندرجات مضبطه ده تردد اولدیفندن لطفاً امری خصوصی عرض واستیذان اولنور اولبایده .